



Møteprotokoll

Utval: **SOGN REGIONRÅD**

Møtestad: Guridalsbygget og Høgskulebygget, Sogndal

Møtedato: 13.09.2013

Tid: kl 0900-1340

A. Desse møtte

Faste medlemmar

Noralf Distad, ordførar Aurland kommune (leiar)

Harald Offerdal, ordførar Balestrand kommune

Olav Lunden, ordførar, Leikanger kommune

Ivar Kvalen, ordførar Luster kommune

Jan Geir Solheim, ordførar Lærdal kommune

Jarle Aarvoll, ordførar Sogndal kommune

Marta Finden Halset, ordførar Vik kommune

Arild Ingar Lægreid, ordførar Årdal kommune

Medlemmar

Odd Arve Rakstad, rådmann Leikanger kommune

Karina Nerland, dagleg leiar

B. Første del av regionrådsmøte var lagt saman med oppstart av det nye entreprenørskapsstudiet

C. Ordførar Jarle Aarvoll ønskte velkommen til Sogndal

D. Innkalling godkjent utan merknader

E. Sakliste godkjent

F. Protokoll frå møte 21. juni 2013 godkjent utan merknader

Sakliste

Saksnr.	Arkivsaksnr.
	Tittel
18/13	12/1718
	Regional transportplan for Sogn og Fjordane 2014 - 2023
19/13	12/3569
	Programstyret - System for styrka læring
20/13	13/2019
	Budsjetttramme 2014 Sogn regionråd
21/13	13/266
	Orienteringssaker

Sak 18/13
Regional transportplan for Sogn og Fjordane 2014 - 2023

Tilråding:

Sogn regionråd sluttar seg til fråsegn til regional transportplan for Sogn og Fjordane 2014-2023 slik den ligg føre.

Handsaming

Det kom framlegg om følgjande endringar til høyringsframlegget:

Ta ut følgjande setning under punkt om vegutbetring: «Det er positivt at fv 55 Høyheimsvik-Nes er prioritert blant nye store investeringsprosjekt.»

Ny setning til punkt om kollektivtransport:

«Sogn regionråd ber fylkeskommunen vurdera kombinert skule-, pendlar- og turistbåt Aurland-Sogndal og Vik-Sogndal og kombinert pendlar- og skulebuss for Aurland, Lærdal og Årdal.»

Siste setning under flyplassveg er ei gjentaking og vert derfor teke ut.

Nytt strekpunkt under Statleg transportansvar:

«Nasjonale turistvegar

Sogn regionråd ber fylkeskommunen arbeida for at nasjonale turistvegar blir utvida med bilfergerute på Fjærlandsfjorden og Nærøyfjorden.»

Endringane vart samrøystes vedtekne.

Vedtak:

Sogn regionråd sluttar seg til fråsegn til regional transportplan for Sogn og Fjordane 2014-2023 slik den ligg føre med dei endringane som vart fremja i møtet.

Sak 19/13
Programstyret - System for styrka læring

Tilråding:

Sogn regionråd vedtek mandat for programstyret i ”System for styrka læring” slik det ligg føre.

Vedtak:

Sogn regionråd vedtek mandat for programstyret i ”System for styrka læring” slik det ligg føre.

Sak 20/13
Budsjettramme 2014 Sogn regionråd

Tilråding:

Sogn regionråd vedtek budsjettramme for 2014 slik det ligg føre.

Handsaming

Rådet drøfta fordelingsnøkkelen. Det vert ikkje lagt opp til ein prosess for å endra fordelinga av kommunane sine utgifter i denne omgang.

Vedtak:

Sogn regionråd vedtek budsjettramme for 2014 slik det ligg føre.

Sak 21/13
Orienteringssaker 13.9.2013

Orienteringar og drøftingar

1. Oppstart av studiet «Entreprenøriell matematikk»

Velkomst ved

- leiar Noralv Distad
- Holger Aasen, Ungt Entreprenørskap og medlem av programstyret for «System for styrka læring»
- Rasmus Stokke, dekan ved HSF

Orientering om pedagogisk entreprenørskap – ei tolking frå matematikkseksjonen ved førsteamanuensis Frode Olav Haara, HSF

2. Næringsutviklings-/RUP-gruppa: Det har vore møte med fylkeskommunen om samarbeidsavtalen. Gruppa drøfta tiltak som skal starta i 2013-2014.

3. Samferdslegruppa:

- Ferjesambandet Hella-Vangsnes-Dragsvik: Statens vegvesen arbeider med anbodsutlysinga. Det har vore møte med Vegdirektoratet 27. august for å få fram behovet for «stive» avgangar (20 eller 30 minutt frekvens) og nattferjer. Det var møte med regionvegkontoret 28. august for å diskutera alternative løysingar før framlegg til ruteopplegg blir sendt på høyring.

- Flyrutene: Samferdslegruppa hadde møte med Widerøe og Avinor om ruteprogram og planar ved flyplassen. Etter møtet tilpassa Widerøe morgenflyet frå Sogndal via Bergen til Oslo.
- Samferdsleplan: Kommunane sine prioriteringar vil bli kartlagt før regionrådet vurderer arbeidet vidare.

4. Rådmannsgruppa:

- GIS-samarbeidet: Blir jobba med adresseprosjektet i kommunane.
- Sak om mva-kompensasjon kjem i neste møte.
- Arbeidsgjevarkontrollen: Den interkommunale ordninga vart drøfta i møtet og blir teke opp i neste møte i rådmannsgruppa.

5. Adminstrasjonen

- Søknader til Sogn regionråd:
 - a) Søknad om midlar til forskingsprosjekt på husbukk er avslagen.
 - b) Søknad om økonomisk støtte til ein nasjonal konferanse om tilstanden i fiskebestandene i Sognefjorden frå Høgskulen i Sogn og Fjordane av 5.7.2013. Det er sendt søknad til Sogn regionråd om kr 10 000 og til kvar kommune om kr 5000 i tilskot. Sogn regionråd vurderer søknadane til rådet og kommunane samla og gir kr 50 000 i tilskot til Høgskulen for gjennomføring av konferansen. Tilskotet vert dekka av fondsmidlar Kontingent.
- Aurlandskonferansen 22.-23.10.2013: Programmet er klart og utsendt til politiske fora og administrativ leiring i kommunane, næringslivsaktørar mv. Viktig å marknadsføra konferansen slik at mange melder seg på.
- NOU 2013:9 «Ett politi – rustet til å møte fremtidens utfordringar» - høyring: Det vil bli arbeidd med ei høyring for tilslutting i Sogn regionråd.

6. Legevakttelefon: Sogn regionråd er samde om at det er tenleg å etablera felles legevakttelefon lokalisert til Lærdal sjukehus. Kommunane Luster og Sogndal vil avklara dette innan fristen 19.9.2013.

7. Arbeidsgjevarkontrollen: Det vart vist til brev frå Skatt Vest av 29.8.13 frå omstillingsstyre for Lærdal/Årdal. Sogn regionråd sluttar seg til at arbeidsgjevarkontrollen vert lagt til Årdal.

8. Statleg valeining: Det vart vist til skriv frå KRD av 15.8.2013 om at det er starta opp med å utgreia konsekvensane av å lokalisera ein sentral valeining til tre stader der DIFI, Leikanger er ein av stadane. Sogn regionråd sluttar seg til at statleg valeining vert lagt til Leikanger.

9. Ståle Brandshaug, dagleg leiar, orienterte om status og vidare framdrift for Visit Sognefjord.

Skriv og meldingar

1. Ferjesambandet Hella-Vangsnes-Dragsvik – svar frå Samferdselsdepartementet av 31.7.2013. Referert.
2. Referat frå samferdslegruppa frå møte 20.8.2013. Referert.

Noralf Distad
leiar

Ivar Kvalen

Jan Geir Solheim

Karina Nerland
dagleg leiar